

PLOANIES SAN MARTIN Y LUNGIARÜ

L'Ofize por la Familia dla diozeja á indò dé fora n pice sföi che acompagnëia les families cun mituns ite por le Advënt. I sföisc vëgn partis fora te scora y te scolina, cun l'invit ai geniturs da ti ciaré deboriada cun i mituns y les mitans.

La Uniun dles Patrones invieia da se prenoté al Rorate en sabeda ai 4/12 a Lungiarü, dales 18.00 por tel. 339 82 25 275 (Paola) o 338 99 18 326 (Lucia).

SAN MARTIN

La Uniun di Èi invieia düc i èi sura 30 agn da to pert ala lita dl consëi nù dla uniun di èi por i proscimi 3 agn. Les zetoles da lité é metüdes fora apé de dljia che vigni èl sura 30 agn é perié da implí fora y da dé jö te dljia dala sabeda ala domënia dai 11 ai 19 de dezëmber.

Les ères é periades da dé jö les zetoles ch'ares á ciafé por la lita dl consëi nù dla uniun cina ai 8 de dezëmber apé de dljia.

I jogn organisëia la vijita de San Micurá che vá fora por le paisc ai 05 y 06, y stará chit dan porta (gauja de covid) dles families che se prenotëia cina en mercui, 1/12, pro Dennis 346 95 70 357 (WhatsApp). Les spënores de buna man jarà a "PeterPan", Organisaziun por mituns amarà de crebesc de Südtirol.

La Uniun di Seniors da San Martin y Antermëia tignará so Rorate en domënia ai 5/12 dales 10.00 y dedò marëna tl Hotel Antermëia por 10 euro porom. Prenotesse cina ai 3/12 pro Maria 338 17 51 839 o pro Alfred 333 36 54 786, ince por le iade sö Antermëia. Greenpass obligator. Dai 60 agn insö é düc bel invia.

LUNGIARÜ

"I seniors/les seniores da Lungiarü é bel invia/des al Rorate dla Uniun en vëndres, ai 03/12. y do mëssa a gosté tla Pizaria Fornata. GP y mascherina!"

Reorganisaziun dl grup de laur por Lungiarü: An pënsa da mëte adöm i dui grups "grup de laur paisc dl alpinist" y "le grup di rapresentanc dl turism". Te chësc grup nù gnarál porté inant idees y chestiuns por le paisc da Lungiarü. Chi che stará ite messará ciamó gni litá dai mëmbri da Lungiarü dla Cooperativa Turistica y dales strotöres partner dl paisc dl alpinist. Chi che oress sté ite te chësc grup o por d'atres informaziuns contatede la Cooperativa Turistica (Tel. 0474 501 037).

Aste bele ponsé a túa finestra da Nadé? I inviun indo düc da fá sö öna o deplü finestres por ti dé na bela atmosfera al paisc d'Advënt y da Nadé. Fá ince tö impara, y fá sö na finestra coch'al te plej y mët na picia löm do ia pur ch'an la vëighes bel. Düc adöm podunse indò cherié na bela iluminaziun te nosc paisc.

Presentaziun dl liber por mituns „Olá é pa Max rové“ cun mostra en sabeda, ai 4/12, dales 14.00 ales 17.00 tl Istitut Ladin a San Martin.

Döt le bun a chi che complësc i agn de dezëmber

San Martin: siur Franz Sottara che nen complësc 86 ai 25

Lungiarü: Marino Clara che nen complësc 90 ai 12
Angela Sorá Daporta che nen complësc 84 ai 27



Plata dles Ploanies San Martin y Lungiarü

ploan Klaus Sottas 344 15 54 055 - klsottas@rolmail.net
siur curat Heinrich Perathoner 339 65 74 213
redaziun anton.gasser@rolmail.net - 348 27 44 517 / 0474 523 194



www.valbadiaonline.it/comunite

28.11. - 05.12.21 nr. 1

ultimo termo por comunicaziuns: jöbia, dales 20.00

PRÖMA DOMËNIA D'ADVËNT - C

Vangele do Lüca 21, 25-28.34-36

Al apariarà sëgns te sorëdl, tla löna y tles stëres y söla tera sarà i popui plëgns de tëma y de spavënt por le rausciamënt y le drumblamënt dl mer. La jënt se desfantarà dala pôra, aspetan les cosses che vëgn sura la tera: cíodiche les potënzes dl cil gnarà scassades decà. Spo odaran le Fi dl Om gnon te na nìora cun gran potënza y gloria. Canche döt chësc mët man, spo derzésses sö y alzede le cé; deache osta salvëza é daimprò. Metede averda che incioca des y sboaciades y i fistidi da vignidé ne ves inciurnëscs nia y che chël dé ne ves tomes nia ados sciöche na tënora; deach'al gnarà ura düc i abitané de döta la tera.

³⁶Stede muntri y periede demeztrü, ch'i podëise ti sciampé a döt cí che sozed y ti jì adincuntra al Fi dl Om.



Sce segurëzes vedles y ci che te minàs che restass impé por tres toma adöm, poste odëi scür, te depënje l'apocalissa dan dai edli y te dejidré do i tèmps passá.

Mo te pos ince - sciöche Gejú t'invieia - alzé le ce y te derzé sö y conscidré la fin de tues segurëzes sciöche na deliberaziun da n travai vedl.

Sce n pice virus mët döt sotissura y te ne pos nia plü vire sciöche t'es ausé, poste t'audé che chësta crisa passes tosc ia y che döt devëntes sciöche denant.

Mo te pos ince lové sö, te orienté danü y te damané: Ci cunta pa veramënter te túa vita? Paiel la mëia da chirí chës stëres che te rovenò cina sëgn: orëi a vigni cost tres deplü y te lascé fracé jö dal pëis di fistidi por l'indoman.

Ponsun mo sura, sc'al ne foss nia damí da vire vigni de cun deplü atenziun y sc'al ne foss nia plü bel da vire te na manira, che vigni de nù nes deura i edli al lominus de Chël Bel Dî che nes vëgn adincuntra. Image

EDEMA	SAN MARTIN	LUNGIARÜ	Consolëiesse, Signur, y dásse forza cun túa löm. Tl mête man l'Advënt impiunse la pröma ciandëra. Ara desfantes le scür che nes cercenëia. Ara nes dais calma y palsa por ester bugn da tó fle danü. Ara nes mostres le tru adincuntra ala gran festa, ala festa de túa incarnaziun te Gejú Crist. <i>Letöra da San Paul ai Romans 13,11-14:</i> <i>Conscidrede le tēmp da sēgn, al é gnü l'ora da se descedé dala sonn! Deache sēgn nes é la salvëza plü daimpró co laota canch'i ên gnüs credēnc. La nôt é bele scialdi inant y la de é daimpró. Lasciun porchël da na pert les opres dla scuritè y se vistiun les ermes dla löm! I orun vire indertöra sciöche de de, zënza mangé y bëre fora de mosöra, zënza impuritès y deslianzas, zënza stritaries y invidies. Vistisse le Signur Gejú Crist y ne stede a fistidié tan por osc corp, che les ries intlinaziuns ne se descēdes nia!</i> <i>chît</i> Signur Gejú Crist, Idî n'é nia dalunc, en te nes él dër daimpró. Tö es Emanuel "Idî cun nos", chël che le popul d'Israel s'á dejidré por secui alalungia. R: Le Signur é daimpró, al vëgn a nes salvé. Tö es cun nos. Sce Idî é cun nos, che pó pa ester cuntra nos? I n'un nia bria da se temëi. R: ... Le règn de Dî é amesa nos ite. Bele sēgn podunse le conēsce tla fede, che nes condejará spo n de ince a podëi l'esperimenté tla gloria. R: ... Signur Gejú Crist, da canch'i sun gnüs batiá, viuunse adincuntra al gran de de to avënt che é daimpró. Da te ciafa nosta vita direziun y tlarëza. <i>chît</i> Signur, nosc Dî, ciara sön nos ch'i sun tomá tles mans dla mort. I te periun: Sálvesse cun l'avënt de to Fi y láscesse rové ala comuniun eterna cun nosc Salvatur Gejú Crist che vir y regnëia cun te por dōta l'eternité. Amen.
28.11.21 PRÖMA DOMËNIA D'ADVËNT - C <i>Domënia dla Dlijia te ciasa</i> <i>dales 19.00 sona les ciampanes</i>	9.00 Corona 9.30 Gran Mëssa cun les families Benedisciun dles gherlandes d'Adv. Rorate dla Uniun Guant da Zacan rengr. families de Sepl y German Frenner rengr. fam. Lorenz y Elisabeth Planatscher <i>(al cianta n quartet de jones)</i> 19.00 Invit da s'abiné al'oraziun	7.55 Corona 8.15 Gran Mëssa/Rorate dla comunité Rorate por la Uniun di Èi 19.00 Invit da s'abiné tles ciasas al'oraziun	
29.11.21 Lönesc <i>Iolanda</i>			
30.11.21 Dedolönesc <i>André apostul</i>	19.00 Mëssa/Rorate por families de Giovanni y Regina Unterweger families Prousch – Perathoner 19.45 Sentada dl Consëi de Cöra		
01.12.21 Dedemesaledema <i>Natalia, Charles de Foucauld</i>		19.30 Mëssa por fam. de Sepl y Maria Calra, Sanví + + siur Stachio y suor Lucia Clara 20.00 Reuniun dl Consëi de cöra	
02.12.21 Jöbia <i>Luzius, Bibiana</i>	7.30 Mëssa + + cöghes de calonia Ida Dariz y Ida Dejaco + + de Ludwig y Herta Rungger vis y def. de Cristina y Vijo Prousch Corona por Vocaziuns		
03.12.21 Pröm vëndres <i>Francësch Xaver, Emma</i>	Domisdé provijiun di amará 18.30 Adoraziun chîta 19.00 Adoraziun deboriada (degöna mëssa)	Danmisdé provijiun di amará 18.30 Adoraziun 19.00 Mëssa/Rorate por l'Uniun di Seniors + Frieda Huber in Clara	
04.12.21 Sabeda <i>Barbara, Jan Nepomuch Tschid.,</i> <i>Adolph Kolping</i>	19.30 Mëssa prefestia/Rorate Rorate por la Uniun di Iagri vis y def. fam. Giovanni y Martina Conrater + Pepi Dejaco, Larjëi (dl ann) <i>(al sona le Grup di Iagri)</i>	18.00 Mëssa prefestia/Rorate por les Patrones da S. Martin y Lungiarü por l'Uniun di Stödafüch por l'Uniun di Iagri y Pëiapësc dl ann + Sisto Clara	
05.12.21 SECUNDA DOMËNIA D'ADVËNT – C	9.00 Corona 9.30 Gran Messa – Rorate por families de Ludwig y Herta Rungger vis y def. fam. Sepl Frenes, Preroman + siur Heinrich Videsott	7.55 Corona 8.15 Gr. Mëssa/Rorate dla comunité en recordanza de siur Heinrich Videsott	

